

光州世稿

春

部	集	部
類	總集	部
番号	4-66	
冊数	4-1	

1365
70
4-1

部	史部
類	通志類
番 號	288
冊 数	4
備 考	上西 11/3

1책 표지 뒷면

光州盧氏世稿序

琅玕生於久竹鄧樹擢於豐林大凡植根固則枝條
暢茂而久則亦悴古所謂木老花疎者此自然之理
也世之名門古家承休襲美而有能十世而不替者
乎南州之衣冠舊閥以光州之盧氏爲久且盛肇譜
以後赫世蟬聯之業已尚矣自中葉卜居南土雖不
以祿位名績烜赫一世而以經藝爲菑畚節行爲箕
裘子繼孫述至于今繩繩焉其雲仍諸君懼夫先蹟
之漸湮衰輯八世以下十八稿編爲一帙爲纂先徽
傳久遠之計其意誠美矣應禧相稷址聲等遠訪余

茶山之居請以一言識其端璉夏巳年迫耄耄不復
治筆研而自惟平生愛說人遺蹟故事雖窮陋無聞
無能以發揚幽潛而於巖穴草野之賢尤致曠慕焉
今觀是稿所載自東岳至滄浪祖孫父子兄弟傳芳
聯輝雖隱見不同升沉亦異而其恬退嘉遯之節隱
約自守之操槩乎爲同一家範且累世從學於大賢
宗師之門其淵源授受之漸問學講磨之業俱有本
末原其世德所由敦行誼尚文雅崇質而紉華存璞
而祛雕廩廩乎冲厚貞樸之意而發於翰墨佔畢之
餘者絕無靡曼浮豔之態視世之朝華而暮歇者果

何如也余以此驗其根柢培壅之深而將復見柯葉之益茂也上以聲微之不泯爲前人賀下以緒業之善述爲後人勉焉

歲白兔陽月下泮永嘉權璉夏謹序

九州世系

二

光州盧氏世稿目錄

卷之一

東岳稿序

東岳稿

疏

斥佛疏附跋

附錄

傳

墓碣陰記

遺墟碑銘並序

東山書院奉安祝文

東山書院常享祝文

卷之二

墨齋實記

事實

傳

行狀

墓碣銘

葛川書院常享祝文

松原書院常享祝文

葛川書院重修奉安祝文三

松原書院在硯谷安公梅竹窩廬公配享時

告由祝文

松原書院上樑文

遺墟碑銘並序

遺詩

附估畢齋金先生贈詩三首

附慕齋金先生贈詩

撫遺

卷之三

參奉公遺蹟

墓碣銘並序

卷之四

小庵稿

箴記

示外孫崔東寶箴

三足堂記

附錄

遺事

事實略

附退溪先生 內賜性理羣書付庫上舍

遂俾藏園隱書院識

卷之五

立齋稿序

立齋稿

詩

直集慶殿別李君獻瑛

直宿景福宮

莊陵偶吟

全州慶基殿

寄邀李三老賀生安世希辰

權元帥慄再到桃津醉語還曙

贈盧君胖二首

鶴巖亭次朴君信廷璠

還鄉見孤菊有感

次曹敬明

贈天嶺諸君

哭甥姪朴天禎

題李孝廉擊柱壁上

智谷寺酬林藍溪希茂

吳德源健裴林塘

慎忱

東京北山賞松天府尹申公湛

次鶴巖亭韻

胡孫供奉圖

祭文

祭吳德溪健文

祭李君龜瑞文

書

答盧姪曹

附南冥先生書

三才圖會

四

附錄

行狀

輓章

祭文

後敘

續錄

古巖書院奉安祝文

古巖書院常享祝文

古巖書院重修上樑文

壬辰諭書中二條

卷之六

和庵稿

詩

偶吟

惜春

草堂卽事

送子克誠問業于裴洛川解詩以爲贄

悼郭溪夫

悼安汝克

示堂弟仲孚休

大遷

附錄

行錄

卷之七

沃村稿序

沃村稿

詩

甘勿江上閑居

伽川酬同志

淵上言志

火旺城與同義諸賢賦詩

龍華泛舟

斗巖舟中酬李茂伯李汝懋申順夫李子至
之李以直李叔發諸公

追次洛江舟中萬頃滄波欲暮天分韻
敬壽寒岡先生七十六歲生朝

書

答朴明述晉慶

附寒岡先生手札五首

文

祭寒岡先生文

附錄

行錄

事實

行狀

墓碣銘並序

墓誌

輓章

東山書院上樑文

東山書院常享祝文

江林齋序

江林齋記

跋二首

卷之八

梅竹窩稿

詩

草堂

偶題

田家

述懷

閑居卽事

屯山省墓歸路

枉山寺

過三山

偶吟

賞秋

寫懷

輓李贊成

胤緒

輓鄭知事

文

祭安石碩谷克家文

附錄

行狀

墓碣銘並序

輓章

祭文

松原書院奉安祝文

卷之九

月華堂稿

詩

酒池歎

贈孫季由

輓從叔和庵偉

輓文君

輓堂兄梅竹窩克誠

書文

上愚伏鄭先生

與沈修撰光世

與朴伯和綱

與林樂翁真德

示二子帖

祭權堂令漢文

附錄

遺事

行狀

墓碣銘

輓章

附沈休翁光世贈詩

附愚伏鄭先生丁卯號召使時復啓

月華堂重修記二首

仁壽堂

卷之十

月村稿序

月村稿

詩

元堂舟中次新安使君金丈中清韻示同

舟諸公

輓李掌令汝翊

附楊拙軒許國贈詩

書跋

答李渠卿汝翊

附寒岡先生手札二首

敬續寒岡先生河洛圖書屏題

附錄

傳

行蹟

墓碣銘並序

行錄

東山書院奉安祝文

東山書院常享祝文

跋

卷之十一

菊潭稿序三首

菊潭稿

詩

元堂舟中次槃泉金丈中清韻

斗巖舟中

讀周易得三字

呈鄭桐溪侍郎蘊

讀無逸篇有感

漁牧亭懷李應教道長

別徐克夫

強仁

贈成友以諒

敬次鮪齋先生松湖堂韻

開浦舟中次洪花園翼漢

葵花

憶寒岡先生

合江泛舟

過念憂亭有懷

自省

聞南漢受圍糾集義旅有詩

用前韻勗諸君子

聞和議已成痛哭有詩

有感

贈沈使君泛齋大守

憶寒岡先生

呈空春使君尹童土
舜舉勸立秋江朝

聞清陰相公返國

有思

浩歌行

輓張進士以俞

輓李恆老

輓都末叔慎修

疏

斥和疏

書

上寒岡先生三首

附寒岡先生手札二首

與鄭亦顏四勿

與洪伯升翼漢

答李泰叔道昌李泰始道長

與張衛率錄

與鄭戚叔惟壽

與李子粹道純

與尹安寧舜舉

與李參奉岫

上金清陰相公

答張浚谷悌元

答朴和仲

與金陽灘養

與金盤泉中清

答孫叔浩灝孫季浩沆

答李德者時老

與徐克夫強仁

論

太極論

附錄

遺事

行狀

墓碣銘並序

東山書院奉安祝文

東山書院常享祝文

跋二首

卷之十二

四梅堂遺蹟

遺事

行錄

墓碣銘並序

輓章

卷之十三

望湖亭稿

詩

輓楊進士

附錄

遺事

行錄

墓碣銘並序

卷之十四

松川稿序

松川稿

詩

題江軒

輓族姪漢聞

輓姜丈汝載

輓裴參奉繼緒

輓金正郎是榮

輓金進士峻立

輓都林川汝垣

輓文梁山獻徵

輓沈斯文日三

序記文跋誌

義契序

觀魚亭記

鳶魚亭記

盧氏內外譜後識

八溪正錄案跋

觀魚亭上樑文

五世祖侍直府君墓誌

五世祖妣恭人晉陽河氏墓誌

高祖考主簿府君高祖妣淑人安氏墓誌

曾祖考學生府君墓誌

祖考通訓大夫行軍資監主簿 贈嘉善

大夫工曹參判同知義禁府事府君墓

誌

先考嘉善大夫同知中樞府事府君墓誌

先妣貞夫人高山周氏墓誌

外舅成均進士成公墓誌

子婦孺人星山李氏墳記

雜著

中國歷年通攷

東國歷年通攷

東國諸賢遺蹟

附錄

遺事○墓所銘○輓章

卷之十五

芳谷稿序

芳谷稿

詩

生朝書懷

謾興

園中樹木甚締鬱命僕夫揀去

夢寒沙先生面授東人詞賦一篇覺而有

作

八鎮路中口號

夜坐

登眺

端午

堂姪嶷賦壇杏以示有次

和郭元錫壽龜寄韻

述四時瞻戀之懷呈元錫案下

春日寄族姪顯哉漢輔

酬姜聖希尚齊寄韻

泰仁金同年天休天挺訪余于南溪書舍

轉向新安裴美叔正徽之居馳書寄詩

要與歡飲余方吟病書以謝之復以詩

慰其矢志而勉其餘年

清溪謠送朴鎮元世壽遊清溪山

和郭文希天周甲詩

堂兄僉知埽壽席

嚴公泰熙回卷慶席

秋日偕郭元錫郭斗老壽星李汝喬玄齡

飲觀魚亭

因與三友集句

輓呂正言聖舉

輓權通禮字亨

輓姜進士徽望

輓姜進士昌世

輓李君天柱

輓吳寒溪善基

輓李進士藏

元朝感興

題養生日躋水月軒

取適軒見夕烽

春日共一家子弟遊畱鶴寺二首

仰贐自侯時考還朝

清溪書院酬鄉里諸公

寒泉書齋述懷

畱別林北諸公

文狀論記

家廟告墨齋先生文

祭都林川汝垣文

祭堂兄生員碩座文

昌平縣監辭職狀二首

三吾堂記

寇準勸上親征論

韓昌黎光範門三上書論

附錄

遺事

行狀

墓碣銘金序

輓章

南溪亭重修記二首

遺墟碑銘並序

卷之十六

海隱稿

詩

冠山書院贈宗叔芳谷願賓

移居

感興

和安敬叔信賢

附敬叔本韻

題觀魚亭

戒六子

附錄

墓碣

墓碣陰記

行狀

卷之十七

松陰稿序

松陰稿

詩

春帖

自歎

題寓壁

春日題壁

感次南冥先生送劍甥婿趙瑗韻

贈辛洗馬夢參

題竹杖贈河君晉孟

舟泊玄倉

辛洗馬江舍

饗舍示諸生

贈宗叔芳谷碩賓

大正七年

贈朴處士虎文

三月三日

採菊送芳谷宗叔

次芳谷

次平洗馬

輓南嶽李先生

輓族叔松川碩厚

輓芳谷

輓文副率東道

輓平處士碩文

輓全上舍氣正

輓平生孝遜

輓郭弟遜

輓朴處士虎文

文狀錄

祭丞父文

清溪書院重修奉安濯溪全公文

辭復戶狀

辭賞物狀

梅軒郭公行錄

孝子朴公行錄

附錄

行狀

墓碣銘並序

輓章

贈司憲府持平樊黃時士林祝文

卷之十八

滄浪稿

詩

有所思

松原書院役所酬安汝能

戲玄都使君贈詩

築室觀魚亭傍扁之曰滄浪庵

平洗馬夢參和寄滄浪庵詩復用本韻求

教

題河會一碩徵池上精舍

述懷

示學者

雜著

栢岡柳公實錄

菊齋處士遺事

附錄

遺事

光州盧氏世稿目錄終

光州盧氏世稿卷之一

東岳稿序

昔在光廟朝嶺之草溪有正學直道高標之士曰東岳先生盧公名善卿嘗由憲府斥僧佛出守州郡又不樂而退歸鄉里築書樓琴書以自娛終其身其後屢經兵燹公之家傳文獻燬盡獨所存者斥佛疏一本耳士林爲立祠祀之今其後孫以斥佛疏圖所以爲不朽之傳十三代孫基玉泌淵十四代孫秀霖乃以序引之辭屬不佞竊惟守經仗義排闥異端正學也犯顏彊諫引君當道直道也早自恬退跡東

岡高標也有一於此尚可師範况兼有之乎佛之爲
左道惑亂前人備言之矣然羅麗所尚尚矣無論至
於本朝國初大抵猶多有龍謬之風焉則始雖矢
言斥之者亦不爲無人而終未有若能止圓覺轉經
之法而篋谷斷髮之令矣嗚呼盛矣此可以屢書而
不一書耳又何必多爲貴也就其子孫考其淵源已
叩名賢墨齋瑋受學于佔畢齋小庵遂受學于退溪
立齋欽受學于南冥沃村克弘月村世厚菊潭垓三
世並爲寒岡門下梅竹窩克誠月華堂克復松川碩
屋芳谷碩實松陰漢輔亦皆麗澤於一時賢碩則其

視世人簪組以傳家田宅以遺後者當何如也噫觀
斯集者何可以其小而寂寥視哉論其世尚其人亦
可見先生之不可及矣

上之七年上章敦牂仲春之望天匡輔國崇祿大夫原
任議政府左議政兼領經筵三軍府事監春秋館
事豐山柳厚祚序

東岳稿

疏

斥佛疏

光廟十年甲申創圓覺寺于都城中行轉

經法即高麗舊俗也其法旛蓋前導以黃
屋輿安金佛前後伶人奏樂兩宗禪徒數
百分左右隨之各敬羊名香誦經一小僧升
車擊鼓經止樂作樂止經作奉佛自闕而
出終日巡行於市街上或於慕華館太
平館設晝供各司官吏趨走供物惟恐不
及簫鼓林凡唄聲振太空時上頒下斷髮
令將幸箕谷寺先生方在諫院上疏救
止按學易齋鄭公懋年譜曰先生憫
王之信誘邪說數諫不從及有盧司諫
晉卿疏上
乃悟斬妖僧

伏以臣草野鄙儒冗司賤官國計民謨固不敢容
議而第伏念自古官以諫爲名者不匡其君之愆不
救其時之亂則其生也雖苟活其死也必受罪臣豈
忍容默於天日之下自取浚誅於天下後世乎伏惟
聖慈天地其仁日月其明無隱不照無物不囿臣之
狂言或不至逆耳而臣之愚計或幾於自效耶臣曾
以愚戇之言特蒙海岳之恩今又進言或涉於僥
倖君恩之嫌而但我聖王明見上帝臨質豈敢
自貳豈敢自貳近見政院劄子及忠清道進士河潤
等疏本則殿下終不以賊僧處之仇讎反以神明

扶護等語申諭於批旨之中是何等天時國運
殿下秉心一至此哉秦皇漢武之惑猶稱延生而取
彼耳目之譏笑則況此賊僧其使殿下之春秋延
之以幾何萬歲其使殿下之宗社安之以幾何萬
曆其使殿下之子孫振之以幾何萬世其使殿下
下之生靈寧壹以幾何萬代也聖批每下人心輒
喪上而宰臣下而言官皆咏北風其涼攜手同歸之
詩而內而畿民外而野氓皆齎志流涕曰我冠何置
我服何用商賈相與設於市婦女相與泣於街噫
聖世此何文象人臣之供職也蓋弼匡於三風十愆

之漸而今我 殿下之惑不在於風愆之中特出於
千百載億萬人所未憂之地如羽沉水如燭遇風耿
耿茫茫莫知其悟昔者臺城之難 殿下豈不聞也
是日箕谷之行臣固知之而三宿出書是聖人之庶
幾七日回天乃前修之攸職臣強顏懷疏必決去就
臣之此舉寧不悲夫祖先父母以禮樂衣冠之俗生
我育我所臣以納吾君於堯舜之域而臣事 殿下
幾年納 殿下於何地也實不知歸對何語也臣之
言冒死至此伏願 聖明裁度焉

答曰省疏俱悉善卿乃吾柱石之臣若非柱石之臣何

以爲輔國之理乎妖僧卽時斬裂

抑洪水驅猛獸距楊墨其功不相下彼不拔一
毛者似義而實賊義愛無差等者似仁而實賊
仁孟子的見其弊必至於無父無君故曰闢之
廓如又曰能言距楊墨者聖人之徒也噫佛之
禍天下久矣舉夷狄之法加之先王之教之上
不知君臣之道父子之倫荒虛妖誕迷人以倚
伏羅麗之世言之污口 聖朝卓越治教休明
洗滌前代陋習敦尚儒化宜無邪氣干其間圓
覺妖僧猶有舊染惑衆罔上殆不可禁遏時先

生爲諫官陳疏極言之 光廟嘉獎之遂斬妖
僧左道乃熄其功又豈下於韓昌黎諫佛骨哉
噫近世有所謂洋夷邪術者其禍有甚於釋教
余有感於東岳云

聖上七年庚午季春陽川許傳謹跋

附錄

傳

先生姓盧氏諱善卿字良弼其先光州人中也
有侍中諱仁正自萬壽山陪親南下避跡于固城之
九萬村子姓因居焉曾祖諱孝孫書雲節副正祖

諱繼宗儒學訓導考諱甲生都染署永娶東城李
氏生員穰之女生先生初諱晉卿惠莊王薨其
讜直賜名善字甫冠中生員莊憲王十七年
夏取士殿庭問宗學戶口戶牌兵農之要先生
以策對擢丙科第三人選本館陞序爲署永明年
復擢重試入諫院有古直臣風惠莊王甲申有
妖僧圓覺者眩惑聖衷創寺都城中擬幸篁
谷寺甚至有斷髮之令矣先生痛異教喧騰持斧
待命力言其不可疏奏上大悟歎曰善卿乃
吾柱石之臣卽斬妖僧後以言事忤權貴出守咸

陽郡復遷高靈縣所至有聲績遂棄歸就八溪中
方山東嶽下開小室樂琴書課諸生以終郡人尊
之曰東岳先生士林慕其行起書院于昌寧之東
山以禮祀之墓在咸安之防禦山下乾天洞枕西
原淑人昌寧成氏郡守懼女名議政襄靖公奉祖
之孫育四男一女男瑋司憲府持平琢司直瑒司
直瑒羽衛司侍直女適郡守朴繼祖瑋無嗣以瑒
子富昌爲後參奉琢二子起世應世參奉一女適
林慶胤瑒一子秀民參奉二女適權逸鄭玉堅進
士瑒四子壽昌宣務郎富昌八爲瑋後慶昌歿正

光州世系卷之一
命昌主簿朴繼祖四子潤孝旋溢判官澤洽忠
順衛一女適宋炫子孫居草溪昌寧金海永川等
地出光山世乘

墓碣陰記

先生姓盧氏光州之世鼻祖諱蔓高麗平章事奕
世文科簪纓相繼五世祖諱昶典工判書逮聖
朝受命退隱不仕高祖諱仁正侍中曾祖諱孝孫
書雲觀副正祖諱繼宗生員考諱甲生都染署丞
妣東城李氏生員穰之女先生初諱晉卿以數直
諫光廟嘉之屢下恩獎賜名善卿字良弼初

圓覺妖僧以幻術眩惑當世創寺都城中行轉經
法公卿以下莫有敢言者先生以司諫上疏極諫
其略曰官以諫爲名者不匡其君之愆不救其時
之亂則其生也苟活其死也受罪臣豈忍容默自
取寔誅於天下後世乎臣近見政院劄子及進士
河澗等疏 殿下不以賊僧處之仇讎反以神明
扶護等語申諭於 批旨中是何等天時國運也
賊僧其使 殿下春秋延之宗社安之生靈寧壹
之乎臺城之難 殿下豈不聞也 上大悟曰善
卿乃吾柱石之臣卽斬妖僧後八憲府又言事切

直忤旨出爲咸陽郡守未幾棄歸鄉里復除高靈
自是永謝簪紱卜築於草溪之中方里自號東岳
琴書自娛以終天年後數百年士林追發公議享
東山書院夫人昌寧成氏郡守懼女名議政襄靖
公奉祖孫也子男瑋遺逸持平已卯名賢號墨齋
琢司直瑀司直瑁侍直女適郡守朴繼祖孫男七
人壽昌宣務郎富昌參奉慶昌僉正命昌主簿起
世應世忠順衛秀民參奉玄孫克復號月華堂察
訪出系于族父進士大成先生之後代有聞人躋
享祠院者八人後孫厚潤應五泌淵壽容相夏以

舊碑之磨滅沒字爲恨復修貞珉囑余記之

乙丑九月二十七日孔巖許傳撰

遺墟碑銘並序

謹按盧氏之貫光州者悉以高麗平章事諱曼爲鼻祖其後簪纓相繼門戶燁赫爲東方大姓八

本朝有諱善卿世所稱東岳先生也甫冠中生員英陵十七年對殿策選丙科三人明年復擢重試屢入諫院以直諫稱光廟嘉將老之以初名晉卿改賜善卿此特恩也及至甲申有妖僧幻惑當世因入宮中勦圓覺寺於城內行轉經法幾

至有斷髮之令而在位公卿莫有敢言者先生以
司諫上疏極諫其略曰臣近見政院劄子及進士
河潤等疏殿下不以賊僧處之仇讎反以神明
扶護等語申諭於批旨之中是何等天時國運
也賊僧其使殿下之春秋延之宗社安之生
靈寧壹之乎臺城之難殿下豈不聞也疏奏
上乃大感悟曰善卿乃吾柱石之臣卽命斬妖
僧中外大悅後入憲府以言事切直忤旨出守咸
陽復遷高靈未幾棄歸築室于草溪中方里有號
東岳酣飲書史教訓子孫以天年終後士論追發

享東山院嗚呼佛教之禍天下久矣自古人君崇
信尊尚如漢之明帝唐之憲宗梁之武帝或迎其
骨或講其書而當時君宰臣未有能犯顏諫爭轉曰
回天獨韓文公上表極言終未回憲宗之惑今先
生一疏投進天心感動睿斷若是嚴重比諸
韓公之言而無救其功尤何如也非先生之貞忠
至誠素有孚於宸衷何能有是哉孟子曰能言
距楊墨者聖人之徒况佛氏之害有甚於楊墨者
乎惟其根深而枝茂源遠而流長先生之後有墨
齋瑋參奉秀民小庵遂立齋欽和庵偉沃村克弘

梅竹窩克誠月華堂克復月村世厚菊潭坡四梅
堂堦望湖亭姑松川碩屋芳谷碩賓海隱漢錫松
陰漢輔滄浪疑諸公俱以文學行誼見推於世或
禮祀以俎豆或編入於史乘何其偉哉何其盛哉
不但今世之無比在古亦罕儔也今其後孫謀豎
樂石於遺墟內舍生應祐主其事役將試應禧相
稷址馨三斯文請記於余余曰先生之徽名懿蹟
已有立言君子之表章稱述不必有待於宅里之
表而劉忠壯之南康遺址徐逸平之江山古宅每
爲往來之指點躑躅必有景行冰玉之建以寓觀

感風勵之義則後人之有此舉正所謂不足爲也
而亦不可不爲者也然顧毫荒陋拙正如寸筵之
撞鍾不敢妄爲謠謔而忝在外裔之末又不敢以
不文辭遂爲之銘曰

猗東岳斥佛邪作而述乎吉嘉過者式石不磨
龍集于辛小春節外裔資憲大夫行龍驤衛大護
軍清州鄭來錫謹撰

東山書院奉安祝文

朴慶九正言

粵我東岳卓乎儒宗柱石名臣山斗令名斥佛一
疏見重文成恬直二字冥老的評晚卜邱園琴書

自娛清風百世豈無興起猗歟沃村實維肖孫倡
義火旺講道梅園學究天人理析絲縷跡同隱
口絕平吳於乎不顯有光于祖並舉縉紳禮永脩
祀

東山書院常享祝文

全人

正氣撐宙謹論回天澤厚流光永世不謖

光州盧氏世稿卷之一

光州盧氏世稿卷之二

墨齋實記

事實

五世孫碩賓

先生姓盧氏諱瑋字公瑞初諱祖同字公緒號墨齋
貫光州天順甲申生于草溪郡東中方里第幼而
力學孝友出天晨必省昏必定終不或輟及丁憂與
三弟廬墓三年

先公嘗歷典州郡先生以幼年陪往經歲閱月足跡
不出中門外下吏及官奴婢不得見其面

年甫成童與蘆溪安公同學于估畢齋金先生之門

先生以詩許之

早棄舉業常讀小學躡等之學未嘗畱於心嘲哂之
文未嘗出於手

先生在畢齋門下時年未二十畢齋與語道理了無
碍滯畢齋每歎曰盧秀才妙年已知道矣

先生家居時閭里常人或得責於父母則必瞿然曰
無使盧先生知之

與三弟友愛篤至捐其家藏一毫不自與

先考妣墳墓在咸安距草溪百里先生常以不能頻
往來省護爲恨以田宅付與三弟徙居子固城蓋固

城先世所居而爲咸安省墓路邇也

正德十三年戊寅慕齊金先生安國按本道訪先生于固城鄉廬有贈詩因以先生及安遇盧文明金夫有同入賢良薦先生卽拜主簿

己卯拜本道都事述拜正郎十二月被劾還鄉里事請後拜司憲府持平辭不就屏迹杜門惟以晝藉自娛者十餘年

先生少時遇術士問命士曰君遇歲戊寅擢魁科己卯按節第恨一大欠書一句儷文曰屏去螭首蛾眉三韓失色案絕熊掌豹胎百獸率舞先生曰余本無

意料第且至戊寅則當過五十豈有登第按節之理乎士曰第觀之及至己卯拜本道都事適因監司有故受印符數月行政時罷女樂減饌品術士之言皆驗

嘉靖十一年壬辰七月十三日終享年六十九葬于縣北九萬里花首峯坎坐之原

先生嘗築小齋於幽僻地靜坐無惰容聖賢書籍滿架以訓誨後進爲務學徒雲集固城酒泉洞有醉石亭遺址縣人指認爲盧先生書齋基

壬辰之亂墓前石物皆被破壞將有發墓之變本縣

被虜人語倭曰此賢人之墓也倭遂止

鐵城鄉人爲之立祠以李杏村魚灌圃並享廢於壬辰兵燹鄉人復立祠祀之八溪士林亦立祠尊奉

傳

先生諱瑋字公瑞初諱祖同字公緒號墨齋姓盧氏東岳先生諱善卿子也性至孝修子職无虧遭喪用考亭禮及葬與三弟守墓廬隕毀踰制制闕問楸路稍左以田宅付三弟徙近墳鄉以便省掃之役始東岳先生之宰郡紱也先生以幼年往居衙室或閱月經年官隸不得見其面長者皆異之甫成童與里人

安時叔往學于畢齋金先生之門畢齋與語道理了
無碍滯歎曰秀才已知道矣好讀小學其學恥躡等
口絕嘲哂之文不喜科舉之才南伯恭曰公緒持身
守法略與大猷同嘗讀詩于俞克已阡舍常留畢翁
門肄業安時叔姜時可鄭昌符諸公從之每讀書夏
暇遊凝川船亭宿嶺南樓登載岳絕頂吟哂恣意溯
洄上下畢翁以詩助之曰歲月吾違志固戀子振衣
又曰羞爲干祿學喜有樂天心又曰塵埃雖苦節山
澤有佳招家居敬謹自修矜式一時間里賤輩或得
責於父母則必瞿然曰無使盧先生知之 正德戊

寅慕齋金先生按本道以搜剔巖穴爲心訪先生于固
城鄉廬書識先生姓名曰有高行不求聞達因以詩
贈之有學追濂洛淵源正行篤曾楚踐履俱之勾遂
薦行誼才學之士三十餘人金顥安遇廬友明金大
有諸賢皆一時之望而先生爲首其薦目曰友愛著
於鄉黨學識醇正且有才行 特授主簿 上驛召
引見咨所學及治道尋拜長興庫令舍人李元幹
啓曰草茅之士初職參職已爲過矣今爲五品職官
爵猥濫請改正侍從臺諫交章申 啓曰五品職改
正殊無待賢之意一人進退所關非輕已叩拜本道

都事時值本伯有故替政數月罷女樂減饌品先生
嘗遇術士問命士曰君遇歲戊寅擢魁科翌年當按
節第恨一欠書一勾儷文曰屏去螭首蛾眉二韓失
色案絕熊掌豹胎百獸率舞先生曰余本無意科
第豈有登第按節之理乎士歎曰第觀之至是其言
皆驗逮拜工曹正郎十二月言官請降資時靜庵趙
先生已被慘禍冲庵老泉相繼竄謫先生乃放歸田
里杜門屏迹就幽僻地築小齋扁曰醉石亭以寓韜
晦之志常危坐其間終日無惰容嘗告古今經史以訓
進後學爲已汪後拜司憲府持平辭病不就天順

甲申生于草溪中大里 嘉靖壬辰考終于固城之
醉石亭墓在縣北九萬里花首峯枕坎之原辰巳倭
寇破隧道儀物將有發墓之變縣有被虜者語倭曰
此賢人之墓也倭遂止固城草溪士林皆立祠祀之
先生娶郡守盧熙善之女絕義不育取第三弟侍直
璫子參奉富昌爲嗣富昌生三子倣參奉倣宣務郎
倣生員倣子克謙奉事克謙孝子世茂世茂子碩賓
文科縣令夫人墓在草溪郡中方村後池洞召西之
原出光山世乘

行狀

先生諱璉字公瑞初諱祖同字公緒姓盧氏其先出自中朝唐翰林學士穗東來後累世失系傳至高麗政丞光州君蔓始貫光山世籍名宦十二世至繼宗務功郎甲生都染署丞善卿文科司諫號東岳是爲曾祖若祖若考東岳公抗疏斥佛以風節聞妣昌寧成氏郡守懼女名議改襄靖公奉祖孫先生以天順甲申生于草溪中方里第幼而天姿穎悟有孝友至性定省之節不待長者指教先公歷典郡邑每隨往久處小衙足迹一不出門人隸輩皆不見面聞者異之及遭憂廬墓三年守制遵家禮鄉里皆感歎

與弟琢瑀有至愛推家業盡分與而不自私焉親
坐枉咸安地百里而遠付先第於諸弟而徙居固城
以其便於省墓也早棄舉業常讀小學爲持身節度
弱冠受業於佔畢齋先生之門先生與之說道理通
悟無滯亟歎賞曰盧秀才妙年已知道矣甚敬重之
嘗與姜時可訢安時叔遇讀書於俞清溪好仁廬次
皆以道義托契甚密正德戊寅朝著清明君幸賢彙
征設賢良科搜揚草野慕齋金先生安國按節嶺南
訪先生於固城鄉廬有詩若序以先生及安廬溪廬
信古堂金三足堂同薦賢良自上駟召引見咨所

學及治道直接主簿尋遷長興庫令己卯拜慶尚都
事先生少時遇術士問命士曰君戊寅登魁翌年當
按節本道公笑曰余無意科第且至戊寅則年過五
十豈有登第按節之理士曰第記之仍書儷文一句
曰屏去螭首蛾眉三韓動色案絕熊蹯豹胎百獸率
舞及至是歲以遺逸徵旋拜本道都事時方伯有
故受印符行公幾至數月罷女樂減厨品其言皆驗
逮拜正郎未幾士禍作諸驥員避逐先生亦以臺啓
罷還田里遂屏跡杜門以書籍自娛禁網解復拜司
憲府持平辭不就以壬辰七月十三日考終享年六

十有九葬于縣花首山峯負坎之原嗚呼我朝休
明之會最稱中廟盛際在朝而陶鑄治化在野而
講明道術巖穴高蹈之士無不入於甄拔之科先生
薦引在於是賢伯下車之日則若將爲之北矣時運平
陂大往小來萬延之禍下及草茅及其復逢休運擢
置臺憲則終守艱貞之戒而甘爲肥遯之跡先生之
名遂終始林野矣士之懷抱道德遭遇明時者亦何
爲哉古人所謂大有之世緼袍飲水甘於佩玉列鼎
者其斯之謂歟先生早登大儒之門所與交遊皆一
時英賢其師友淵源之盛可以想見於百世之下而

今於世代綿邈文蹟散佚之後猶可考尋者卽讀賢
記述是已畢齋贈公詩曰養爲子祿學喜有樂天心
慕齋訪盧處士詩曰人間軒冕自殊途顏巷窮居味
道腴眼底牢籠閑宇宙胸中蘊蓄一唐虞學追濂洛
淵源正行篤曾萊踐履俱爲訪林邱應有意欲將高
範表南陽寒暄堂師友錄曰公緒好讀小學不喜躐
等之學嘲哂之文科舉之才持身守法略與大猷同
其他若己卯補錄蘇齋記事己卯清籍等書哥謂七
分影鄉音而徵信於後禊矣先生歸田之後築小齋於
酒泉洞扁以醉石亭後人指認爲盧先生書齋基云

壬辰之亂倭人欲發墓本縣被虜人語倭曰此賢人之墓遂止不敢發後之人慕德愈久鐵城立祠與李杏村魚灌園並享是爲葛川書院八溪立祠是爲松原書院平一庵夢參撰常享祝曰學蹈繩墨識徹醇正高範垂後彝好彌敬儒林報祀之道亦備矣先生無子以三弟瑒子富昌爲嗣參奉生子倣 順陵參奉生子克諶司贍寺奉事今至十餘世子孫綿綿先生後孫應祐使其族孫晚容越四百里北走太白山下屬諸璉夏曰今距先祖之世三百年餘屢經兵燹遺文散失猶可考信者國乘野史及諸賢集中所載

皆實錄也近有許尚書傳所撰碣文願據此爲誤德之資以備傳述是辱孫之心也璉夏孤陋無聞而於己卯黨籍中間先生之名則稔矣今老洫神敝無以操筆而第念吾先祖冲齋先生亦當黃免禍籍辱廢邱園十有二載與先生出處雖異而遭罹則同閱其遺蹟不覺感涕謹因所錄而略加第次以塞慈孫之意云

通政大夫前行敦寧府都正權璉夏謹狀

墓碣銘

璉序○昔有忠烈金先生所撰碣文
璉頌爲倭寇所破毀而文亦失傳

先生姓盧氏初諱祖同字公緒後改諱璉字公瑞號

墨齋其先本光州人高顯平章事薨之後也世系載
東岳墓碣東岳諱善卿官司諫以忤佛衛道著名是
爲公皇考妣昌寧成氏郡守懼女名議政襄靖公奉
祖孫也公以天順甲申生未冠受業於金畢齋之
門畢齋與之語道理了無碍滯畢齋歎曰盧秀才妙
年已知道矣寒暄師友錄曰盧祖同好讀小學不喜
躍等之學嘲哂之文科舉之才持身守法略與大猷
同大猷寒暄表德也嘗與安時叔姜時可讀詩於俞
清溪墓廬皆以道義相善慕齋金安國觀風嶺南以
搜羅巖穴爲心首訪先生於固城鄉廬有詩曰人間

軒冕自殊途顏巷窮居味道腴眼底牢籠閑宇宙曾
中蘊蓄一唐虞學追濂洛淵源正行篤曾萊踐履俱
爲訪林邱應有意欲將高範表南隅遂薦賢良上
驛召引見擢拜六品職歷慶尚都事工曹正郎及己
卯禍作被劾降資遂歸田里事靖後拜司憲府持平
辭不就屏迹杜門惟以書籍自娛 嘉靖壬辰卒享
年六十九葬本縣治北花七台峯坐坎之原無子以季
弟璫第二子富昌爲嗣參奉生子徹 順陵參奉生
子克謏司贍寺奉事系子世茂通德郎寔參奉公季
弟命昌孫克升子也生子碩賓昌平縣令號芳谷姜

寒沙門人生子徵號五辟齋次子崇士林慕先生行
誼奉享固城之葛川院草溪之松原院先生孝友出
天定省無闕居父憂廬墓三年與三弟情愛篤至捐
其家藏一毫不自與兒時陪東岳公於任所足跡不
出中門外吏隸婢屬不得見其面人皆以爲難嗚呼
先生之德行事業宜其有可述者多而世久年湮文
獻蕩散謹稽諸先生集錄已卯清籍等書及本家實
記以應後孫之託銘曰

好學篤行孝親友弟賢師淵源勝友交契志在唐虞
道希濂洛爰爰玉帛賁于林壑霜臺持憲東岡守分

惜未究用展布素蘊子孫繩繩裕後追先銘于樂石
垂示永年

通政大夫行金海都護府使孔巖許 傳謹撰

葛川書院常享祝文

名氏不傳

學踵濂洛行肩暄蠹允矣君子百世山斗

松原書院常享祝文

辛夢參 洗馬

學蹈繩墨識徹醇正高範垂後彝好彌敬

葛川書院重修奉安祝文

孫命來 正言

光山世家載誕儒賢耽讀小學早味道真淵源有自
識所依歸畢門由文暄堂切德工專循序文愧希榮

苑然令聞鼎來弓旌天曹柏府極時清選匪通常格
惟帝之簡惟公不肯反服于初巖居川觀聊以自娛
慕翁攬轡先式其閭滄浪高亭跡媲潁湖詩篇詠德
遺烈瑯洋睠茲一邦寄慕突長衣冠所藏杖屨之躅
揭虔之鄉良譽髦同古於仙靈宮葛川之千杏洎灌蘿
爲位其間風激若新儒苑動色庶幾昭格式永矜式
松原書院磊谷安公梅竹窩盧公配享時告

由祝文

辛夢參

繫惟先生啓佑後學十室必有雙賢繼作淵源所自
矜式斯長世雖前後慕均羹露茲揭綬儀奉配股祀

列侍左右聳瞻遐邇若承函丈宛茲麗澤卽事虔告
庶鑑休迪謹以石碣谷安公梅竹窩廬公配食

松原書院上樑文

全人

斯文在茲公講歷百年而未泯秉彝好是宗祀並一
時而有成振廢頽之舊猷啓炳郁之新教洪惟蘆溪
先生全得孝友至行研到格致深工執德能弘處阨
窮而不悶講道自樂絕誘化而無求墨齋先生學正
淵源行篤踐履持心身守繩墨有寒暄略同之稱閒
宇宙蘊唐虞發慕齋爲訪之詠春風同座幾承憤排
之誨鶴雪月對床相資直諒之切琢矧乎里仁爲美

展也鄰德不孤能作多士儀刑故老之傳誦久矣丕
成一洞鄒魯後人之感慕切焉肆鬱大典之輿情迺
營尊道之縟舉龜天慳地秘之境鳩大矣細栢之材
邑子敦事而悉心晨夕齊奮閭民承令而殫力遠近
畢趨咸奏不日之功幸獲若天之助美哉輪美哉典
妥靈揭虔之攸宜得其制得其規育才講藝之有所
豈料千古柞杙之地蔚爲一朝弦歌之場水鏡涵天
挹清光於左右雲屏洗雨納奇狀於後前聳一方之
瑰觀訖四鄰之盛事輒取歡意演陳善謠
兒郎偉袍櫟東分明霽月映江中請看波面風來靜

澄澹靈衿驗此同

兒郎偉拋樑西玉峯高處問誰躋也應箇裏輝久
想得當時德潤齊

兒郎偉拋樑南睂山洛水互縈涵幾年磅礴儲精氣
始作名區供盍簪

兒郎偉拋樑北清溪繞隩綠筠色四時不改真堪看
最愛詩人興進德

兒郎偉拋樑上蒼空雲盡片無障潛心對越自欽明
觸處豁然神正旺

兒郎偉拋樑下大道門前連平野爲言南去北征人

莫向嵌巖由苟且伏願上樑之後神物護呵士習淳
正敦孝友行忠信咸知人紀之當修說禮樂誦詩書
頓覺文運之寔闡棟宇永鞏無致乎風雨震凌俎豆
長莘有飮其香火辦炷千秋靈境一畝明宮

遺墟碑銘並序

八溪郡中方里卽我中廟朝己卯名賢逸持平墨
齋盧先生之遺墟也舊有院亭鐵城亦先生寓鄉也
不幸八倭燹乃再設而以邦令並撤今羹羹輿情
無處可寓相與謀樹墟間一石載先生遺事擬圖不
朽後孫大容奉先生實記責銘於福樞拜而按其記

先生初諱祖同改諱瑋字公緒自幼性至孝喪而廬墓祭而遵朱文公家禮稍長同金寒暄安廬溪諸先生學于異翁門大被推獎友三弟因心分予家藏一不自私 正德戊寅金慕齋按節訪先生林廬有詩云人間軒冕自殊途顏巷窮居味道腴眼底牢籠閑宇宙曾中蘊蓄一唐虞學追濂洛淵源正行篤曾萊踐履俱爲訪林邱應有意欲將高範表南隅遂薦賢良直拜主簿己卯自上召拜本道都事工曹佐郎十二月神武之禍被劾歸鄉事靖後拜司憲府持平不就書史自娛眷眷引後以天年考終享六十九葬

之後一周甲值島訐有賊欲發先生之墓聞知爲君子藏竟止之云墓在鐵城縣花首峯世系生卒年及子孫錄則於碣具焉至若好學篤行則觀於師友推獎有可影想焉嗚呼余嘗讀畢門諸子錄至戊午之禍慘矣極矣先生以師門高弟奚獨超然於網打之中也其時處變必有所合宜者而百歲之下逸史甚可慨也已銘曰

允矣墨齋鄉邦矜式生長中方因名想德宛其遺躅
山明水湜

辛卯流火節玉山張福樞謹撰

遺詩

作爲人人見肺肝一誠真與鬼神干不才承之分憂
寄愧殺南民極目看

右一首得於格齋孫公肇瑞草稿舊本蓋已卯先生以本道都事因本伯有故替行觀察之任疑此詩作於其時

附佔畢齋金先生贈詩三首

按佔畢齋詩集曰安時叔

與盧祖同鄭世麟二秀才遊載岳云

寥落荒村裏閉齋杜德機鹿門空在望鴈蕩未同
歸歲月吾違志罔戀子振衣衰遲百無用詎勉惜
芳暉

歲晚得三秀窮居亦自饒塵埃雖苦節山澤有佳
招古義參差見機心積漸消君看靈井側練實日
蕭蕭

舉舉滄浪客招招凝水潯羞爲干祿學喜有樂天
心蔬糲何曾飽膏旨擬共針古來非實踐吾道竟
浮沉

附慕齋金先生贈詩并小敘。戊寅

盧逸士肇固城人有高行不求聞達少
與金宏弼同遊學云

人間軒冕自殊途顏巷窮居味道腴眼底牢籠閑

宇宙曾中蘊蓄一唐虞學追濂洛淵源正行篤曾
萊踐履俱爲訪林邱應有意欲將高範表南隅

撫遺

戊寅慶尚道觀察使金安國薦本道行誼才學之士
盧瑋金顯等三十餘人多至宗直金宏弼之門徒也
士林聳動

國朝寶鑑

盧瑋固城人少時遇術士問命術士曰君遇歲戊寅
擢魁科翌年己卯當按節卽本道第恨一欠耳書一句
儷文曰屏去螭首蛾眉三韓失色案絕熊掌豹胎百
獸率舞公曰予本無意科第且至戊寅則當過五十

豈有登第按節之理乎士歎曰第觀之及至戊寅以
遺逸徵拜主簿翌年拜都事適因監司有故受符
印行政幾至數月時罷女樂減餼品其三言皆驗遞拜
正郎十二月奪資還鄉里己卯錄

盧瑋慶尚道草溪人金安國爲監司薦其學行上
驛召引見擢拜六品職歷慶尚都事工曹正郎及己
卯禍作劾遞己卯清籍

遺逸盧瑋別科薦目及愛著於鄉黨學識醇正且有
才行落第累轉爲慶尚都事遞拜正郎十二月言官
以爲別無操行不可超授參上職請降資遂還鄉里

而終焉

已卯補錄

盧祖同字公緒號墨齋郡守善卿子事父母至孝居喪與弟司直琢瑀侍直瑀守墓三年友愛篤至捐家庄無一毫自與師事金佔畢先生得性理本原與大猷伯恭時叔時可最善戊寅被召至京擢拜六品職歷工曹正郎慶尚都事己卯禍作放歸固城田廬

八溪志

墨齋盧先生諱瑋字公瑞初諱祖同東岳先生善卿之子也甫成童游佔畢門語道理無碍滯好讀小學持守益謹廢舉業絕仕途與寒暄一歲秋江清溪廬

溪講聖人之道其學不喜躐等以冀入賢良薦居首
落第調相當職明年以慶尚都事入爲工曹正郎禍
作被劾歸鄉事靖拜司憲府持平不就

鐵城志

先生居家謹嚴問巷常賤輩或得書於父母必瞿然
曰無或盧先生知之乎

上全

辰巳亂倭犯先生墓縣人被虜者語倭曰此古賢人
之墓也倭遂止

上全

安時叔與盧公緒鄭昌符二秀才讀書之暇必遊凝
川艸亭上吟風味月恣意歌謔溯洄上下月黑夜分
則登嶺南樓而宿每間數日必如是

密州志

盧瑋字公緒初諱祖同光州人號墨齋好讀小學不喜躐等之學嘲哂之文科舉之才持身守法略與大猷同居父喪盧墓三年一依家禮與時叔同學於先生之門寒暄敬之金慕齋訪盧處士詩序曰盧公有高行不求聞達少與金宏弼同遊學其詩曰人間軒冕自殊途顏巷窮居味道腴眼底牢籠閉宇宙曾中繡菴一唐虞學追濂洛淵源正行篤曾萊踐履俱爲訪林邱應有意欲將高範表南隅披言云盧逸士瑋以遺逸持平別科薦目及慶著於鄉黨學識醇正且有才行累轉爲慶尚都事通拜正郎後以降資還鄉

里終焉佔畢齋門人錄

時可從時叔公緒讀詩於俞克己墓盧上全

鄭世麟字昌符其學同於公緒上全

盧祖同字公緒好讀小學不喜躐等之學嘲哂之文
科舉之才持身守法略與大猷同居父喪盧墓三年
一依家禮與時叔同學於佔畢齋之門先生敬之景
賢錄○又出於江師友錄

戊寅五月二十一日巳時引見主簿安遇盧璠等領

鄭光弼石安塘撥入侍治所學及治道疑治字璠

薦河艇才堪將帥冲齋政院日記

二十九日有政崔淑生同知 經筵方有寧兵曹參判尹熙平工曹參判韓忠應教兼藝文應教尹倬司成李孝彦奉常僉正朴世嘉吏曹正郎盧瑋長興庫令鄭瓊戶曹佐郎朴潤卿兵曹佐郎黃士祐忠清都事上全

三十日政府遣舍人李元幹 啓曰昨政主簿盧瑋爲長興庫令草茅之士初職參職已爲過矣瑋今爲五品職官爵至爲猥濫吏曹爲政非矣請改正 傳曰其改之院 啓曰盧瑋五品職改正殊無待賢之意一人進退所關非輕敢稟 命更問于三公以不

可遞之意上全

六月一日侍從臺諫極論盧瑋不可遞之意○檢詳
柳墩來啓政府意曰盧瑋初授參職上來未數月
未見功能卽爲五品職至爲猥濫不可不遞已前以
循資陞遷者豈無如盧瑋者乎且今薦舉中必有優
於瑋者矣成宗朝安良生以學行薦初拜參奉後
登第爲六品職金宏弼以師表可當人初拜參奉循
資陞爲佐郎見死於廢朝祖宗朝雖賢者必歷試
有實跡然後陞敘今亦歷試有卓異之行則遷擢爲
當上全

光州世稿卷之二
盧逸士名瑋初名祖同字公緒逸持平號墨齋光州人佔畢門人南秋江曰公緒好讀小學不喜躡等之學嘲哂之文科舉之才持身守法略與大猷同金慕齋曰盧公有高行不求聞達少與金先生同遊學道學源流

正德十三年戊寅慕齋金先生觀風本道以搜剔巖穴爲務薦安遇盧瑋金大有蘇齋集

光州盧氏世稿卷之二

光州盧氏世稿卷之三

參奉公遺蹟

墓碣銘並序

南冥曹植

爵祿無列於朝人善是歸之其惟達尊者乎吾鄉里有善士焉盧君秀民其人也植於人少見可每見之如冕者然其亦有異於而夫者與君諱秀民字俊翁系出光州兵正二品校尉仁美之十三世孫其後世移居于固城考諱瑀娶宣傳官李承元女居于三嘉李氏系出星山承元乃資憲大夫知中樞府事謚平靖封清白吏約束之子也王父諱善卿軍資監簽正

曾王父諱甲生都汝署丞高祖曰繼宗生員玄祖曰
孝孫書雲館副正曰仁正司醢直長曰和典工判書
曰承肇監察糾正曰倫曰公庇曰到忠皆登第君娶
生員世紀之女孫氏孫氏之鼻祖曰荀凝安東一直
縣人王太祖統合之初舉義來附王以爲遜順而賜
是姓其後裔移居于密陽王父諱荀茂教授曾王父
諱胤河廣興倉丞高祖諱肇瑞通政大夫鳳山郡守
玄祖曰寬珎城縣監曰永祐漢城府尹曰得壽密直
司左代言曰洪亮直城君諡靖平世紀娶生員李績
女生夫人李氏系出仁川後居三嘉曾王父曰仲生

繕工監主簿高祖曰繼忠清風郡守玄祖曰孝仁漢
城府尹曰文和政堂文學君享年五十九葬于所居
之西金城山孺人享年六十九後十五年終祔于先
塋之東世之所貴者門望稱其家道則無聞焉若盧
君赫世有道之家乎先公瑀居憂柴毀服孝終甲生
奉身清修肥遯終君之孝於親者先公教也嚴於已
者乃祖來也杜門掃軌足不出戶庭之外人莫間於
父母昆弟之間閨門之內井井然有則者孺人之行
有以助之也人曰俊翁其有後於世乎有子曰欽學
究敬義聞道有日中甲子年生員已知名於世女適

都承旨趙之瑞之孫得鑑早沒無後次適郡守許珣
之子彭齡子女幼欽娶參奉林珏女生子曰賀胤女
適朴繼祖之孫廷璧欽嘗學於植非以植爲文也其
有以知門內之事也來乞銘辭以疾者再欽泣而告
繼之以血遂爲之銘銘曰

大澤有木斧以斯之有豎其家王室之毗鐵城有盧
大藪於材鳳城縣家武琰州來高雲啓闕服勞王國
惟君兩世吉甫家食季通三世二食其簞教子詩禮
獨遺以安孫家有子女則在手盧室之婦宜姑父舅
齊眉四十年燕及卑孺一不爲小參也蟲蟲裕穀死其

同自璧雙合世有明月九泉藏蛤作孺一幼

光州盧氏世稿卷之三

光州盧氏世稿卷之四

小庵稿

箴記

示外孫崔東寶箴

謂山蓋高躋之則及如水至清激之則濁爾性鍥患
生鍥拂爾性既靜動斯鮮克虛爾費隱而各致委曲
宜爾緩急而勿有差錯倚昔先覺以牖來學以爾善
鍥自樂

三足堂記

郡城東走六十里許有雲門清溪石壁玉立氷涵無

一點塵態人間別一區也歸然一堂三足其名所謂
知足之義望之儼然尊其居也卽之溫然稱其制也
風軒月戶照耀碧巘如龍眠居士淨掃霜縑幻出江
湖一半幅新屏也堂之北有獨立臺取溫公獨樂之
獨也堂之下有愚淵非柳子厚愚溪之愚耶亭曰醉
醒義皇天地也臺曰風乎堯舜氣像也庭有松山人
之心事也釣有磯漁父生涯也堂言樂天樂天命也
此皆先生意匠之所規畫而運斤者也若夫泉甘土
肥李愿之盤谷乎雲濠路黑晦翁之雲谷乎小溪潺
湲杜陵之浣花乎老柳隨陰淵明之栗里乎落花泛

水桃源春也楓葉滿江赤壁秋也峯巒潤若雨初晴也郊野潛形烟淡籠也香風拂袖汀蘭郁郁也翠色入簾岸芝青青也鷗鷺相盟道不孤也猿鶴同居德有隣也虛舟任放閒雲自適千態萬狀朝殊而暮異此則三足堂之勝致也駟馬高車人有不足而此堂之溪山足也瓊樓金穴世有不足而此堂之風月足也先生怡神於斯養性於斯其胸中之自得爲如何哉噫微四皓之高致商山之泉石埋沒而無聞非子陵之逸跡富春之山水寂寞而誰傳使雲門而不有先生之此堂亦將爲穹壤間一棄物而止耳雲門得

先生而榮焉先生得雲門而養焉夫豈偶然哉蓋天作而不能慳地藏而不能秘以遺先生乎遂處先生門下不爲不久從先生登此堂不爲不多承先生之命不敢辭爲之記門人光州盧遂謹書

附錄

遺事

先生諱遂字某號小庵姓盧氏光州君諱曼之後也曾祖諱善卿號東岳光廟朝以諫官疏斥佛教祖諱琢司直自八溪徙居永川之蒼岩村考諱應世參奉妣陽城李氏士人義輔女先生天資英

爽志高行潔八溪志早師三足堂太公大有溪門諸子錄

晚遊退陶李先生之門永陽志薰炙親切望重當世

世譜四十八陞內舍崔憂樂齋集乃不喜舉業所居鑿方

塘塘上築小齋受生徒課學其中遠方士得一容

接咸以為榮永陽志嘉靖癸丑與鄉人金應生鄭

允良就園隱先生舊居永川浮來山下倡構書院求書籍

藏之圃隱集退溪先生慕其事以內賜性理君筆書

一帙贈之退溪集手記卷面以致勉學之意溪門諸子錄

永陽倅為琴材欲伐大成殿前桐木先生率多士

告聖廟曰嗚呼夫子再逢伐樹倅慙謝乃止永陽

志優於文詞所著三足堂記膾炙人口道州志敬身

箴三省箴諸篇皆用工之至也憂樂齋集墓在郡南五

福谷某坐之原夫人昌寧曹氏士人瑣女參議變

安玄孫育一女適正郎崔謙謙子東寶女僉使曹

城佐郎安璵之妻也出光山世乘

事實略

外孫崔東寶

公諱遂姓盧氏光州人號少庵居永陽蒼朮年三

十始知讀書刻意敦學至四十八中司馬往遊退

溪先生之門盧氏家譜曰薰炙退陶望重當世又

載永川邑志嘉靖癸丑為亭園隱先生初立臨

臯書院于浮來山下稟議退陶先生先生嘉其志以內賜性理羣書一帙贈之仍換臨臯奉安祝文曰曰遂應生允良偕議先生之稱許如此

附退溪先生內賜性理羣書付盧上舍遂

俾藏圃隱書院識

來川盧上舍遂與金上舍應生鄭秀才允良於圃隱鄭先生舊居倡構書院垂成盧君爲來京師博求書籍浼甚嘉其志而慕其事顧旅寓蕭然無他書可以相副謹以敬所受內賜性理羣書一帙贈之或以君賜與人爲疑噫爲書院奉藏書一

以爲先賢一以爲後學與人云乎哉

嘉靖甲寅孟夏真城李滉謹識